


## Za katemera wa chitopa cha nkhuu: Mtundu wa I-2

### Cholinga cha Katemerayu:

- Katemerayu ndi woteteza nkhuu ku chitopa (kapena chideru).
  - Ngati nkhuu sizinatetezedwe ku chitopa pogwiritsa katemera, zambiri zimafa.
  - Koma ngati zalandira katemera kale, zochepa ndi zimene zimafa.
- Chitetezocho chokera kukatemerayu chimayamba kugwira ntchito patatha sabata imodzi kuchokera tsiku lotemera.
- Chitetezocho chokera kukatemera chimafooka mphamvu pang'ono pang'ono ndikutheratu mphamvu pakadutsa miyezi inayi. Nkhuu ziyenera kulandiranso katemera wina kuti chitetezo chilimbisidwe.
- Katemerayu ndi woteteza ku chitopa basi. Sangathe kuteteza nkhuu ku matenda ena.
- Katemerayu ndi wopeleka chitetezo osati kuchiza. Katemerayu sangathe kuchiza nkhuu zodwala kale ndi chitopa.



### Kasungidwe:


- Katemerayu asasiyidwe pa dzuwa ngakhale kwa nthawi yochepa.
- Katemerayu asaumitsidwe ndi kuzizira kwambiri.
- Katemera asungidwe mu firiji kapena bokosi lozizira ndi miyala ya madzi.
- Katemera agwiritsidwe ntchito pasanadutse masiku awiri chimuchotsereni mu firiji.
- Katemera asungidwe pa malo ozizira.
- Njira yabwino kuyendetsa katemerayu ndi kuika mu nsaru yonyowetsedwa ndi madzi, mkati mwa basiketi.

### Kutha Mphamvu:

- Werengani mofatsa pa botolo lakatemera. Ngati sipanalembedwe nthawi imene katemerayu adzathe mphamvu, gwiritsani ntchito pasanapite miyezi inayi.

### Kagwiritsidwe Ntchito:

- Khutchumulani botolo lakatemera musanagwiritse ntchito.
- Donthezani kamodzi mu diso limodzi la nkhuu iliyonse. Kodonthezera kasakhudze nkhuu kuyo.
- Sankhani malo a mthunzi popereka katemera. Nkhuu zonse pakholapo zilandire katemera ngakhale zogogomola kumene.
- Sungani ma lekodi akatemera pa fomu laperekedwa kapena mu bukhu.
- Osatemera nkhuu zodwala kale. Mwini wake adzakusambirani m'manja zikafa.



### Dziwani izi:

- Palibe chobvuta chilichonse cho chokera ku katemerayu. Katemerayu sangadwalitse munthu kapena nkhuu. Katemerayu sasokoneza mazila kapena nyama ya nkhuu m'njira iliyonse.
- Nkhuu zomwe zimafa zitateredwa zimakhala zitafa ndi matenda ena kapena kuti zinali kale ndi chitopa polandira katemerayo.



Rural  
Poultry  
Centre  
Malawi

Kabuku aka kalembedwa ndi Rural Poultry Centre m'Malawi  
ndi cholinga chothandiza opereka katemera mumadera.  
Ngati mufune kudziwa zambiri, chonde funsani ofesi ya zaulimi imene muli nayo pafupi kapena funsani:  
Rural Poultry Centre. PO Box 81, Likuni. Tel: 0-995-943034  
<http://www.ruralpoultrymalawi.org>

i2-Product-Brochure-180420-ny.odt